

Birokratska namještaljka

Konkurs za dodjelu građevinskog zemljišta za izgradnju poslovnog objekta sa istočne strane Kantonalne privredne komore propao je, a zbog sumnji u nelegalnost AUBiH uputio je žalbu Općinskom vijeću Tuzla „Predmetni slučaj je klasični pokušaj namještanja konkursa jednom unaprijed odabranom kandidatu“, kazao je pravni zastupnik AUBiH Faik Muhić

Javni konkurs za dodjelu građevinskog zemljišta za izgradnju poslovnog objekta u blizini Kantonalne privredne komore propao je jer nijedan od ponuđača nije ispunjavao uslove konkursa. Ovu odluku je prošle sedmice donijela Komisija za provođenje konkursa Općinskog vijeća Tuzla, odbijajući time ponudu Američkog univerziteta vrijednu 550 hiljada maraka, te ponudu preduzeća „Tehnološki park Tuzla“ vrijednu 410 hiljada KM.

Namješten konkurs

Nakon uložene žalbe Općinskom vijeću Tuzla, jučer je predsjedavajući Upravnog odbora Američkog univerziteta u Tuzli Denis Prcić, organizovao press konferenciju na kojoj je, cijeli konkurs nazvao prevarom.

Imali smo dobru ponudu i njena odbijanje smatramo neopravdanim. Vjerujemo da je konkurs



Predstavnici Američkog univerziteta na press konferenciji

Foto: D. Zehoi

bio namješten upravo tako da bi ova druga firma prošla, kazao je Prcić.

Pravni zastupnik AUBiH Faik Muhić kazao je kako postoji previše indicija koje idu u prilog tome da je konkurs namješten.

– Predmetni slučaj je

klasični pokušaj namještanja konkursa jednom unaprijed odabranom kandidatu. Sve su uradili da u načelnoj urbanističkoj saglasnosti i konkursu naprave uslove koje može ispuniti samo ovaj drugi ponuđač. Ali kada smo se i mi javili sa znatno boljom ponudom, oni su odlučili odbaciti našu ponudu pod izgovorom da nismo imali reference za obavljanje djelatnosti i poslova naučno-tehnoloških parkova. Međutim, ta djelatnost ne postoji po važećoj nomenklaturi djelatnosti u BiH, tako da je očito da se konkurs pokušao namjestiti firmi koja u svom nazivu nosi odrednicu tehnološkog parka, kazao je Muhić.

Žalba Općinskom vijeću

Sve je krenulo krajem septembra kada je promijenjena originalna načelna urbanistička saglasnost za gradnju objekta na istočnoj strani Kantonalne privredne komore. Promijenjena je namjena

poslovnog objekta, te je umjesto „administrativne, kulturne i sl. djelatnosti“ ubačena „djelatnost naučno-tehnološki park“.

Ovo se desilo samo mjesec dana nakon što je formirano preduzeće „Tehnološki park Tuzla“. Druga nepravilnost je da je u toj saglasnosti Općina odredila i djelatnost firme kojoj se dodjeljuje zemljište, što je apsolutno neprimjereno, jer time su suzili učesće firmi u konkursu na samo jednu. Sve upućuje na to da se konkurs za dodjelu zemljišta pokušao namjestiti i to od strane članova Službe za geodetske poslove i Službe za prostorno uređenje, a vjerovatno i načelnika Jasmirina Imamovića, dodao je Muhić.

Zbog svega ovoga, Američki univerzitet je uputio žalbu Općinskom vijeću Tuzla, koju bi Vijeće trebalo razmatrati na narednoj sjednici. Ukoliko i Vijeće odbije ponudu, ponuđači imaju pravo uputiti i tužbu Općinskom sudu.

Miren Alijić



Novi projekt poslovnog objekta Američkog univerziteta

Komisija

Azra Delalić, predsjednica Komisije za provođenje konkursa, kazala je kako nijedna ponuda nije ispunjavala uslove konkursa.

Mi smo ponude ocjenjivali na osnovu ranije utvrdjenih kriterija, načelnoj urbanističkoj saglasnosti i konkursu. Nijedni ponuđač nije imao potpunu dokumentaciju i nisu su tužbeni. Druga je stvar da li su uslovi ili urbanističke saglasnosti bili namješteni, ali to nije posao ove komisije. Kazala je Delalić.